

佛 法 談 天

佛 學 小 叢 書

上 海 佛 學 書 局 印 行

佛法談天目錄

(一) 三界諸天

(甲) 欲界天

- 1 四天王天
- 2 忉利天
- 3 炎摩天
- 4 兜率天
- 5 化樂天
- 6 他化自在天
- 7 魔天

(乙) 色界二

十二天

- 1 梵身天
- 2 梵輔天
- 3 梵衆天
- 4 大梵天

-
- 5 光天
 - 6 少光天
 - 7 無量光天
 - 8 光音天
 - 6 淨天
 - 10 少淨天
 - 11 無量淨天
 - 12 徧淨天
 - 13 嚴飾天
 - 14 少嚴飾天
 - 15 無量嚴飾天
 - 16 嚴飾果實天
 - 17 無想天
 - 18 不煩天
 - 19 無熱天

-
- 20 善見天
 - 21 大善見天
 - 22 色究竟天
 - 23 摩醯首羅天
- ### (丙) 無色界
- #### 四天

(二) 天象

- (甲) 日
- (乙) 月
- (丙) 星
- (丁) 雷
- (戊) 電
- (己) 雲
- (庚) 風
- (辛) 雨

佛法談天

(一) 三界諸天

(甲) 欲界天

(1) 四天王天

四天王居須彌四埵。皆高四萬二千由旬。大智論云。須彌四邊有

萬二千由旬。四天王治化其上。東方天王名提頭賴吒。城號上賢。南方天王名毗

婁勒。城號善見。西方天王名毗婁博叉。城號周羅。或作周羅。未詳得失。北方

天王名毗沙門。凡住三城。一號可畏。二名天敬。三名衆歸。四王身

長皆半由旬。衣長一由旬。廣半由旬。其重二分。天壽五百歲。少出



多減。以人間五十歲爲天一日。一夜亦三十日。爲一月。十二月爲

一歲也。

五百歲卽人
間九萬歲也。

食淨搯食。洗浴衣服爲細滑食。男娶女嫁。身

行陰陽。一同人間。以昔三業善。今生爲天。自然化現在天。膝上形

之大小。如人間兩歲。

別記云。男坐父膝上。
女坐母膝上。

兒生未久。便自知飢。七寶

妙器。盛百味食。若福多者。飯色自白。若福中者。飯色自青。若福少

者。飯色自赤。兒食消化。化後若渴。寶器甘露。如食之色。飲不留停。

如蘇投火。身體長大。便與天等。入池沐浴。詣香樹下。枝條垂曲。

香塗身。衣莊嚴具。華鬘寶器。果實樂器。各有樹出。徧往詣之。隨意

所取。樓炭經說大同
小異。文多不載。入諸園林。無數天女。鼓樂絃歌。語笑相向。深

生染著。視西忘東。當其戲樂。忘其初生所念識知。承先世善得生
天上。樓炭經略同。池沼清澄。華果榮茂。其城七重。皆廣六千由旬。欄楯
羅網。宮牆行樹。皆悉七重。毗沙門王。常有五大鬼神。一名那闍婁。
二名檀陀羅。三名醯摩拔陀。四名提偈羅。五名修逸路摩。常隨侍
側。半月三齋。八日十四日十五日。四天王常以八日勅諸使者。汝
等案行世間。觀察人民。孝父母敬沙門及婆羅門長者。受持齋戒
布施者。不使者。奉教。具啓善惡。聞惡不悅。言善則喜。十四日四天
王常遣太子案行天下。十五日四天躬自履歷。然後詣善法殿。具
啓帝釋。聞惡則憂。言善則樂。說偈歎受持齋戒人。與我同行。出長

經第二十卷又出
大智論樓炭經。

(2) 忉利天

忉利天居須彌山頂。有三十三天宮。王名釋提桓因。

梁言能作天王

身長

一由旬衣長二由旬廣二由旬衣重六銖。天壽千歲。少出多減。若

欲終時。有五相現。一者衣裳垢膩。二者頭上華萎。三者身體臭穢。

四者腋下汗流。五者不樂本座。見五事時。心大苦惱。如地獄苦。飲

食嫁娶。猶如四天。身體相近。以氣成陰陽。

出三法度經云行欲如人

以身口意

善生忉利天。自然化現在天膝上。如三歲兒。天即認言。是我男我

女。自識前世布施持戒。欲得飲食。隨滿金器。福有深淺。食有優降。

如四天王天。城縱廣八萬由旬。樓炭經云。廣長四百二十萬里。其城七重九百九

十九門。門有六十青衣夜叉守之。長阿含經云。高六十由旬。相去五百由旬。有一門。門有五百鬼

神守衛。三十三天。金城銀門銀城金門。如是七寶互爲城門。樓閣台

觀周帀圍繞。園林浴池寶華間雜。寶樹行列。華果繁茂。香風四起。

悅可人心。異類奇鳥無數和鳴。其四園中各有二石塚。各各縱廣

五十由旬。七寶所成。輒若天衣。樓炭經說相。似文多不載。蟲澀園盡樂園。中間

有難陀池。縱廣百由旬。其水清澄。七重寶壑。生四種華。青黃赤白

紅縹雜色。香氣普熏。聞一由旬。根如車轂。汁白如乳。味甘如蜜。復

有雜園。大歡喜園。中間有樹名晝度。圍七由旬。高百由旬。枝葉四

布五十由旬。其香逆風百由旬內。忉利殿南。又有一樹。名波質拘耆羅。高四千里。枝葉分布二千里。風吹華香逆風行聞二千里。當樹華時。諸天共坐樹下。以爲歡樂。經遊天一百二十日。帝釋有三十二大臣。故言三十三天也。各有宮皆在城內。遊戲園中。必經七日。麤澀者入此園時。身體麤澀。畫者入此園時。身體自然種種畫色。以相悅樂。雜者常以月八日十四日十五日。放諸姝女與諸天子雜遊。獨與食脂共在一處。名爲雜。大喜者入此園時。心大歡喜。

出長阿含經第二十卷。又出樓炭大智論華嚴涅槃。

(3) 炎摩天

炎摩梁言時

天宮風輪所持在虛空中。王名善時。

大智論云妙善

身長二由

旬。衣長四由旬。廣二由旬。衣重三銖。從樹而出。明淨光曜。有種種

色。身體光明。不須日月。身口意善。或以燈燭明珠等施。持戒禪定

等業。生炎摩天。天壽二千歲。少出多減。食飲婚欲猶如忉利天。三法

度經云以染著意相抱成。初生之形。如人間四歲。忉利天光明所

不能及。出長阿含經第二十卷。又出樓炭經。大智論華嚴。

(4) 兜率天

兜率梁言知足天宮。風輪所持。在虛空中。王名善喜。後邊身菩薩多生

此天。下天放誕。上天闍鈍。故此天。出大智論云。下地結使厚濁。上地結使利。唯兜率天不厚。

不利。智慧安隱。又下地命短。終時佛未出世。上地命長。壽未盡。佛復過去。兜率天時命等故。又佛常居中道。兜率天於六天爲中。身長四由旬。衣長八由旬。廣四由旬。衣重一銖半。壽天四千歲。少出多減。食同下天。亦有嫁娶。執手成欲。其天初生如人五歲。自知前世所布施持戒等事。食自然飲食。衣冠歌舞。身有光明。勝於炎摩。出長阿含經第二十卷。又出華嚴涅槃樓炭大智論。

(5) 化樂天

化樂天宮。亦爲風輪所持。在虛空中。王名善化。自化五塵以自娛樂。身長八由旬。衣長十六由旬。廣八由旬。衣重一銖。壽天八千歲。少出多減。食與下同。亦有嫁娶。熟相視成欲。三法度經云。以深染汗心與天女共語成。

欲若一不染不
成但樂而已

其天初生如人六歲身光明殊勝兜率

出長阿含經第二十

卷又出樓炭華嚴

(6) 他化自在天

他化自在天宮亦爲風輪所持在虛空中王名自在轉集他所化以自娛樂也名愛身天於欲界中獨得自在身長十六由旬衣長三十二由旬廣十六由旬衣重半銖天壽萬六千歲少出多減食如下天亦有婚姻暫視成欲樓炭經云但念便成三法度經云其成但樂如人間相抱持耳如見他人所化故言他化也其天初生如人七歲自知宿命以布施持戒棄惡故自然飲食衣服玉女事並同前光明有勝化樂出長

阿含經第二十卷。又出
華嚴。大智論。樓炭經。

(7) 魔天

魔天宮在欲色二界中間。魔者譬如石磨。磨壞功德也。縱廣六千由旬。宮牆七重。一切莊嚴猶如下天。並有十法。一者飛去無限數。二者飛來無限數。三者去無礙。四者來無礙。五者天身無有皮膚骨髓筋脉血肉。六者身無不淨大小便利。七者身無疲極。八者天女不產。九者天目不眴。十者身隨意。好青則青。好黃則黃。好赤白衆色。隨意而現。此是天十法。又有持十事持。一者飛行無極。二者往還無極。三者諸天無盜賊。四者不相說身善。亦不說他人惡。五

者無有相侵。六者諸天齒等而通。七者髮紺青色。清澤長八丈八者天人青色髮者。身亦青色。九者欲得白者。身卽白色。十者欲得黑色。身卽黑色。出長阿含經第十八卷第三十卷。又出樓炭大智論。

(乙) 色界二十三天

(1) 梵身天

梵身天宮。宮純黃金。身白銀色。色界皆爾。衣金色衣。行禪離欲。修習火光三昧。故身出妙光。勝於日月。非男非女。以禪悅爲食。壽命一劫。或有減者。身長半由旬。壽半劫。出長阿含經第二十卷。

(2) 梵輔天

梵輔天數云與前天同。若修中禪。是貴梵生處。身長一由旬。壽一

劫。出長阿含經
第二十卷。

(3) 梵衆天

梵衆天。與前天同。若修下禪。諸小梵生處。身長一由旬。壽一劫

半。出長阿含經
第二十卷。

(4) 大梵天

大梵天王。名曰尸棄。梁言與前天同。若修上禪。則生此也。於梵衆

中。發大音聲。一切大衆。無不知者。梵身諸天。各自念言。大梵天王

唯與我語。不接餘人。我自然得無所承受。於千世界。最得自在。富

有豐饒。能造化萬物。我是一切衆生父母。後來諸梵。第一尊重。顏如童子。名曰童子。擊鷄持鈴。捉赤幡騎孔雀。初禪名曰梵迦夷。有宮去於他化自在宮。由旬一倍。出長阿含第二十卷。華嚴樓炭大止。下三禪各有三天。四有九天。應有十八。謂初禪下天。是諸梵奴。故不數也。初禪無梵身。二禪無光。三禪無淨。

(5) 光天

光天。以禪味爲食。壽命二劫。或有滅者。出長阿含第二十卷。

(6) 少光天

少光。略與前同。出長阿含經第二十卷。毗依品云。語言時。口出少光。

(7) 無量光天

無量光。略與前同。出長阿含經第二十卷。依

(8) 光音天

光音天。依品云光耀天語。王名樂光。樓炭經云阿披附天菩薩。又名光念。又名光音聲。觀

閻浮提臭穢惡氣。上熏七千萬里。是以菩薩不生光音。長阿含云。

句遙聞臭氣。二禪通名光音。有宮去於梵迦夷宮由旬一倍。出長

甚於廁溷。經第二十卷。又出華嚴大智論菩薩處胎經。

(9) 淨天

淨天以禪樂為食。壽命三劫。或有減者。出長阿含經第二十卷。

(10) 少淨天

少淨略與前同。出長阿含經第二十卷。依品云三天同習覺無患樂相應禪生是三種天。以少方便相應禪生少淨天。受樂亦少。

(11) 無量淨天

無量淨略與前同。出長阿含經第二十卷。依品云以中方便生此天。

(12) 徧淨天

徧淨天。梵言韋細依品云。上方便生此天。王名淨智。四臂捉具持輪。御金翅鳥。三

禪通名徧淨。亦名首陀斤。有宮去於光音宮由旬一倍。出長阿含

卷。又出樓炭大智論。

(13) 嚴飾天

嚴飾天。以禪悅爲食。壽四萬劫。或有減者。出長阿含經第二十卷。

(14) 少嚴飾天

少嚴飾。粗與前同。出長阿含經第二十卷。

(15) 無量嚴飾天

無量嚴飾。粗與前同。出長阿含經第二十卷。

(16) 嚴飾果實天

嚴飾果實天。王名法華光。四禪通名果實。有宮去於徧淨宮由旬

一倍。出長阿含經第二十卷。又出華嚴。

(17) 無想天

無想天。樓炭經云。無入想。以禪樂爲食。壽五百劫。或有減者。猶色界數。光

明勝於果實。外道謂爲涅槃。出長阿含經第二十卷。依品云。滅想。生無想。唯有色陰行陰。少入生想。便死。

(18) 不煩天

不煩天。長阿含云。無造樓炭經云。阿比披。以禪樂爲食。壽命千劫。或有減者。光明

勝於無想。出長阿含經第二十卷。

(19) 無熱天

無熱天。身長四千由旬。細軟委地。不能自立。若下見佛。變爲羸形。

以禪爲味。天壽二千劫。或有減者。光明勝於不煩。出長阿含經第二十卷。

(20) 善見天

善見華嚴云須陀旃樓身長四千由旬。亦以禪樂爲食。壽三千劫。乘

名數經云。壽四千劫。或有滅者。光明勝於無熱。出長阿含經第二十卷。

(21) 大善見天

大善見華嚴云須彌旃尼樓炭身長八千由旬。亦以禪樂爲食。壽命四

千劫。三乘名數經云八千劫。或有滅者。光明有勝善見。出長阿含經第二十卷。

(22) 色究竟天

色究竟天華嚴經同樓炭身長一萬六千由旬。亦以禪樂爲食。壽

五千劫。三乘名數經云一萬六千劫。或有滅者。此五天通名淨居。諸那含所止。

光明最勝。出長阿含第二十卷。又樓炭華嚴大智論。

(23) 摩醯首羅天

摩醯首羅天梁言大自在又名淨居。過五淨居而有八處。皆悉虛寂。是

十住大士之所住處。法雲菩薩多作此天王。形有八臂三眼。騎大

白牛。大雲降雨雨大千界。一功衆生無能知數。唯此天王獨能知

之。涅槃經云。如人供養摩醯首羅。當知是人已供養一切諸天。樓炭經云。光音天以上無有王。出大智論第二卷。

(丙) 無色界四天

無量空入處。或云空處智天。壽萬劫。或有小減。出雜阿含經。樓炭經云。虛空智天。

無量識入處。或云識處智天。天壽二萬一千劫。或復小減。出雜阿含經。樓炭經云。

識智天。

無所有入處。或云無所有處。智天。或云不用處。有優蹋藍。不受佛化。而自命終。佛記此人生不用處。若復捨身。爲邊地王。傷害人民。後生地獄中。天壽四萬二千劫。或有小滅。出長增一二阿含經樓炭經云阿竭若然天

非想非非想入處。或云有想無想天。有弗羅勒迦藍。不受佛化。而取命終。佛記當生有想無想天。後當復爲著翅惡狸。飛行走獸。無脫之者。命終生地獄中。天壽八萬四千劫。或有小滅。出雜增一二云。上有天名無有非想思。亦有思想天。

(二二) 天象

(甲) 日

日城郭方正二千四十里。其高亦然。光射人眼。見之若圓宮。城純金七寶。瑩麗無諸瑕。爲五風所持。一持。二養。三受。四轉。五調。日王座方二十里。身出光明。照耀宮殿。宮殿之光。照於城郭。城郭之光。下臨下土。無數大神前後導從。音樂自娛。無有休息。林觀浴池。如忉利天。天壽五百歲。子孫相襲。以竟一劫。日城繞須彌山。東方日出。南方望。西方夜半。北方日入。如是右旋。更爲晝夜。復有長短。日行稍南。南方漸長。經六十里。一百八十日。北方稍短。復行稍北。北方稍長。一百八十日。南方稍短。

出長阿含經第二十卷。又出樓炭經。

(乙)月

月城郭。廣長一千九百六十里。其高亦然。儼然方正。遠見故圓。二分天銀一分瑠璃。內外清徹。光明遠照。爲五風所持。月王坐方二十里七寶宮殿。無量天神光明。妓樂前後導從。園池等玩。如忉利天。天壽五百歲。子孫相襲。以竟一劫。月有虧滿。缺者一角。行夜稍稍隱側。故見缺減。又云。月城邊有天。其色正青。衣服亦青。所在之面。青光照城。故缺減也。滿者。月行稍轉向正。又青色。天十五日轉入月城。與王遇會。又須彌山南地有大樹。樹名閻浮提。高四千里。枝蔭二千里。影現月中。出長阿含經第二十二卷。又出樓炭經。

日月蝕 阿修倫天王名羅呼。其體高二萬八千里。以月十五日

立海中央。海水裁至其臍。低頭顯須彌羅寶忝山及四方上鎮。以指覆日月。天下晦冥。或覆日以晝爲夜。所謂日月蝕時。危光明也。

出樓炭經
第五卷。

(丙)星

星宿城郭。天神之舍也。以水精爲城。七寶爲宮。懸在空中。大風持之。猶如浮雲。隨日運行。爲眼所見。大者七百里。中者五百里。小者百二十里。宮室園池如四天王天。壽命亦爾。

出樓炭經第六
卷。又出長阿含。

(丁)雷

虛空雲中。有時地大與水相觸。有時與火風等大相觸。水火風大

更互相觸。皆生虛空雲中雷聲。出長阿含經第二卷。

(戊)電

電有四種。東方名身光。二南方名難毀。西方名流炎。北方名定明。何以虛空雲中有此電光。四方之電又共相觸。有此光起。出長阿含經第二卷。

(己)雲九

雲有四種。一白。二黑。三赤。四紅。白者地大偏多。黑者水大偏多。赤者火大偏多。紅者風大偏多。去地或十里。或二十三十。乃至四十里。除劫初時上至光音天。出長阿含經第二卷。雲有四色。一青。二赤。三黃。

四黑。青者中有水界大多。赤者中有火界大多。黃白者中有地界大多。黑者中有風界大多。出樓炭經第四卷龍氣爲雲。長阿含經

(庚)風

世界壞時有大風起。名曰壞散。悉能吹壞摩滅大千世界。金剛鐵圍山等一切萬物時大千界外。復有風起。名障壞散。能隔風災。得至餘方。若無此障風。十方無量阿僧祇世界。無不散滅。出華嚴經第三十卷

(辛)雨

相師占雨。有五因緣不可定知。使占者迷惑。一者雲有雷電。占謂當雨。以火大多。燒雲不雨。二者雲有雷電。占亦謂雨。有大風起。吹

雲四散。入諸山間。三者雲有雷電。占亦謂雨。時阿修羅攬接浮雲。置大海中。四者雲有雷電。占亦謂雨。而雨師放誕。媯亂。竟不降雨。五者雲有雷電。占亦謂雨。而世間衆生非法縱盪。汙清淨行。慳貪嫉妬。所見顛倒。故使天不降雨。以此五事相不定知。出長阿含第二十卷樓炭同。阿耨達龍王興大重雲。滿閻浮提。並降大雨。百穀草樹皆悉滋長。江河川沼一切盈滿。此大雨水。從龍王身心中出。而能饒益無量衆生。摩那斯龍王將欲降雨。先興重雲。彌覆虛空。慈悲心故。凝停七日。先令衆生究竟諸業。漸降雨。普潤大地。出長阿含經第二十卷。

佛 學 小 叢 書

佛 法 談 天

如 欲 印 送 歡 迎 代 辦

中華民國二十年六月初版

◎ 每冊定價大洋肆分

校 訂 者 佛 學 書 局 編 輯 部

出 版 者 佛 學 書 局

印 刷 者 國 光 印 書 局

上海新大沽路六七一號

總 發 行 所 上 海 佛 學 書 局

開北新民路國慶路口

分 發 行 所 上 海 佛 學 書 局

北火車站東首寶山路口

2
252275
(8)

